

## Predmet Benelux: Tužilaštvo BiH okončalo istragu

# OPTUŽENI RAMIĆ, ABDEL SALAM

Na teret im se stavlja međunarodno krijumčarenje eksplozivne naprave

Tužilaštvo BiH okončalo je istragu u predmetu Benelux, te je podiglo optužnicu protiv tri osobe i to zbog međunarodnog krijumčarenja eksplozivne naprave. Optužnicom su obuhvaćeni Adis Ramić (1979) iz Visokog, Osman Abdel Salam (1962), državljanin Kraljevine Švedske, te Amar Šljivo (1975) iz Sarajeva. Svi se trenutno nalaze u pritvoru, koji im ističe početkom iduće sedmice.

### 2.500 eura

Optuženoj trojci se na teret stavlja da su iz BiH prema Švedskoj pokušali prokrijumčariti nezakonito nabavljenu i konstruiranu eksplozivnu napravu, namijenjenu izvršenju krivičnog djela na području Švedske, čime su počinili krivično djelo neovlašteni promet oružjem, vojnom opremom te proizvodima dvojne upotrebe.

Iz Tužilaštva BiH je saopćeno da je istragom utvrđeno da su optuženi kao pripadnici organizirane skupine, na čijem je čelu bio Ramić,



Detalj iz akcije

učestvovali u nabavljanju i izradi eksplozivne naprave velike razorne moći, sa mogućnošću daljinskog aktiviranja, koju su u dogovoru sa drugim osobama, pokušali prokrijumčariti na područje Švedske, kako bi eksplozivna naprava bila korištena na području Malmöa u Švedskoj.

Ramić je, prema optužnici, u više navrata ostvarivao kontakte sa osobom koja se nalazi u zatvoru u Holandiji i još jednom osobom na teritoriji Švedske. Sanjima je dugo-

vorio nabavku eksplozivne naprave u BiH, koju je izradio optuženi Šljivo, a koju su platili 2.500 eura.

Navedenu eksplozivnu napravu je u vozilu audi, švedskih registarskih oznaka, iz BiH pokušao prokrijumčariti optuženi Abdel Salam, koji je u izvršenju kaznenog djela otkriven na putu prema graničnom prijelazu iz BiH, gdje je lišen slobode, a eksplozivna naprava pronađena na skrivenom mjestu u vozilu, stoji u optužnici Tužilaštva BiH.

Ramiću se na teret stavlja da je or-

Page: 8

Reach: 0

Country: BOSNIA AND HERZEGOVINA

Size: 308 cm2

2 / 2

# I ŠLJIVO

ganizirao grupu u cilju posredovanja u međunarodnom prometu oružja bez dozvole propisane zakonom BiH, dok su Abdel Salam i Šljivo, inače nekadašnji pripadnik Specijalne jedinice, kao pripadnici grupe posredovali u međunarodnom prometu oružja bez dozvole propisane zakonom BiH.

## **Oružje i streljivo**

Prilikom pretresa kuće i objekata koje koristi optuženi Šljivo pronađeni su oružje i streljivo, pa se on tereti i za nedozvoljeno držanje oružja ili eksplozivnih materija. Akcijom Benelux i hapšenjem optuženih spriječeno je krijumčarenje eksplozivne naprave, koja bi bila korištena za izvršenje krivičnog djela na području Švedske, u kojem je moglo biti ubijeno ili ranjeno više osoba, navodi se u optužnici.

Podsjetimo da je optužena trojka prvobitno uhapšena zbog sumnje da je počinila terorizam, a u akciji je tada uhapšen i Enver Džanko, protiv kojeg je ubrzo obustavljena istraga.

**A. B. Č.**